

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 61/17
Sarajevo, 06.11.2017.godine

ZAKLJUČCI
PREDSJEDNIŠTVA UDRUŽENJA SUDIJA/SUDACA U FEDERACIJE BOSNE I HERCEGOVINE, SA
SJEDNICE ODRŽANE DANA 06.11.2017. GODINE

I

Udruženje sudija/sudaca Federacije BiH smatra neprihvatljivim Zaključke usvojene na sjednici Visokog sudskog i tužilačkog vijeća BiH (u daljem tekstu VSTV) 26.10.2017. godine, a posebno zaključak broj 5. koji smatra skandaloznim, a kojim se predlaže dopuna člana 44. Zakona o VSTV-u u smislu uvođenja izuzetne mogućnosti za razrješenje sudije i tužioca, bez provedenog disciplinskog postupka. VSTV ovakvim zaključkom direktno ugrožava osnovni princip nezavisnosti sudija, radi čega su sudije ovog Udruženja izgubile povjerenje u sve članove Vijeća, te predlažemo da svi koji su podržali zaključke, podnesu ostavke na mjesto člana Vijeća iz moralnih i profesionalnih razloga.

Udruženje zahtjeva od VSTV-a da stavi van snage navedene zaključke na prvoj narednoj sjednici VSTV-a.

II

Udruženje sudija/sudaca Federacije BiH smatra neprimjerenim medijske istupe predsjednika VSTV-a Milana Tegeltije, koji se tokom nekoliko zadnjih dana bavio optuživanjem medija koji prema njegovom mišljenju prave afere članovima Vijeća, prave sliku i tumače odluke sa namjerom da se stvori kaos, kao i dijelom pravosudne zajednice koji je osudio navedene zaključke, navodeći da se radi o problemu pogrešne interpretacije i zlonamjernoj komunikaciji koja je išla od retrogradnih struktura, čak i iz pravosuđa i oko pravosuđa.

U vezi sa istupima predsjednika VSTV-a, Udruženje primjećuje da je ovo najbrutalniji način prijetnje i obračuna sa neistomišljenicima i nemogućnost suočavanja sa vlastitim pogreškama, bez imalo moralne odgovornosti za posljedice vlastitog djelovanja. Predsjednik Vijeća sve svoje pogreške skriva iza principa nezavisnosti, smatrajući da je VSTV sa njim na čelu, nedodirljiv, a u cilju izbjegavanja bilo kakve kritike i kontrole njegovog rada.

Javni istup predsjednika VSTV-a na TV1 i vokabular kojim se koristio u debati sa uglednim sudijom i ranijim predsjednikom VSTV-a Brankom Perićem, govoreći mu pred milionskim auditorijem da laže, špekuliše itd., bez imalo poštovanja prema starijem kolegi i predsjedniku VSTV-a pod čijim je predsjedavanjem VSTV stekao ugled i poštovanje pravosudne zajednice, na najbolji način oslikava osobine predsjednika VSTV-a a kakve ne bi trebao imati jedan predsjednik.

Udruženje sudija/sudaca Federacije BiH, kao najmnogobrojnije udruženje (preko 400 članova), primjećuje da ugled, autoritet, integritet i dignitet VSTV-a je naglo opao dolaskom aktuelnog predsjednika VSTV-a i smatra da se dalje urušava.

Udruženje sudija/sudaca Federacije BiH poziva predsjednika VSTV-a da prihvati opravdanim i konstruktivnim kritike koje su mu upućene od strane pravosudne i međunarodne zajednice.

Pozivamo predsjednika VSTV-a da, ako iskreno želi uspjeh pravosuđu Bosne i Hercegovine, o čemu svakodnevno govori, da odmah podnese ostavku na mjesto predsjednika i člana VSTV-a, s obzirom da je izgubio povjerenje najvećeg broja članova pravosudne zajednice i javnosti.

Svako dalje postupanje, aktivnosti i javni istupi predsjednika VSTV-a još više će urušavati ugled, autoritet i integritet Visokog sudskog i tužilačkog vijeća i pravosuđa u cjelini.

Predsjedništvo Udruženja sudija/sudaca
u Federacije BiH



Dostaviti:

1. Predsjedniku VSTV-a- Milan Tegeltija
2. Svim članovima VSTV-a pojedinačno;
3. OHR-u – Visoki predstavnik Valentin Inzka;
4. Specijalnom predstavniku EU u BiH- ambasador Lars-Gunar Wigemark
5. Američkoj ambasadi u Sarajevu- ambasadorica Maureen Cormack
6. Ambasadi Velike Britanije u Sarajevu – ambasador Edward Ferguson
7. medijima – Media Centar Sarajevo
8. Članovima predsjedništva i predsjednicima ogranaka USFBiH
9. arhiva